

<https://www.100komma7.lu/article/aktualiteit/prisong-reform-felix-braz>

**Prisong: Nach eng Rei Joren Drock an Urgencen**

18. Nov 2016 - 09:30

*Bis de Prisong fir Untersuchungshäftlingen 2022 opgeet, bleibt Schraasseg iwwerbeluecht, seet de Félix Braz. A soulaang géif d'Plaz feelen, fir Tensiounen besser an de Grëff ze kréien. Datt Mannerjäreger net méi op Schraasseg kommen, hält de grénge Justizminister eréischt fir méiglech, wann nieft der Sécherheetsunitéit zu Dräibuer eng weider Struktur fir Jonker geschafte gëtt.*

Pia Opper

(...)

**Mannerjäreger nach ëmmer zu Schraasseg**

*Och wann d'Sécherheetsunitéit fir Jonker zu Dräibuer opgeet, kann et nach ëmmer sinn, datt Mannerjäreger an de Prisong op Schraasseg kommen, esou de Félix Braz. Hie proposéiert eng zousätzlech Struktur fir Jonker tëscht 16 an 21 Joer: Dat heescht, engersäits fir Mannerjäreger, déi zu Dräibuer eng Gefor fir déi aner kéinte sinn. An anerersäits fir jonk Erwuessener, déi een nach net op Schraasseg wéilt schécken.*

*Wann een esou eng nei Struktur géif opmaachen, ass de Minister averstanen, datt Schraasseg fir Mineuren Tabu ass. Bis dës Struktur Realitéit kéint ginn, géif et awer nach eng Rei Joren daueren. Och, well et an der Regierung dozou nach kee politesche Beschloss géif ginn.*

*Aktuell si véier Mannerjäreger zu Schraasseg. Déi consultativ Mënscherechtskommissioun grad wéi den Direkter vum Prisong zu Schraasseg kritiséieren dat.*

(...)

---

Deel-Transkriptioun vum Interview - <https://www.100komma7.lu/podcast/134313> Minutt 10':45'' bis Minutt 15'.

(...)

Pia Opper: Den Direkter vum Prisong zu Schraasseg, de Miche Lucius sot viru kuerzem um 100komma7-Interview och datt en Ament 4 Mannerjäreger am Prisong zu Schraasseg sin. Hien huet da kritiséiert an och dass mat der Reform sech grondlegend dorunner näischt wäert änneren. Wat äntwert Dir doroper?

Félix Braz: Jo, de But vun der Prisongsreform as jo nët déi Plaz wou di dote Fro diskutéiert gëtt. Déi dote Fro gët diskutéiert am Kader vun der Reform vum Jugendschutzgesetz wat och e Projet as dee méi wéi 10 Joer ënnerwee as an ni op e gudd Enn komm as. Mir sin am Moment am Aarbechtsgrupp dee mir hun, wou all, All déi Leit associéiert sin, déi de près ou de loins mat där Matière ze din hun, staatlechersäits awer och vun enger ganzer Reih wéi CCDH oder den ORK oder den ONE an anerer nach, déi lo während annerhallwem Joer dorunner matgeschafft hun. Mir sin och noh, mengen ech, bei eingem Ofschloss. Do gët di Fro do tranchéiert.

Mir hun iwwert d'Joer gekuckt effektiv su em déi 10 Mineur'en déi plus minus, dat variéiert, sech zu Schraasseg remfannen. Wa mer d'Struktur vun Dräibuer, déi sougenannten Unité de sécurité schon a Betrieb hätten, dat as jo och eppes, wat am Prinzip am Januar misst kënnen a Betrieb geholl gin, da soe mir d'Leit, déi bei der Magistratur dofir zoustänneg sin, dass mir dann nach vläicht 1 pro Joer hätten, deen esou gravéierend as a séngem Behuelen an a séngem Konflikt mam Gesetz, dass deen nët kéint an der Unisec ënnerbruecht gin, méi nët. Bon, lo as d'Unisec och vläicht nët d'Léisung fir alles. Ech ka mir perséinlech viirstellen, dass een sech zu Lëtzebuerg eng Struktur kéint gin, déi nët nëmmen do wier fir Mineur'en, dat wat haut bei der Unisec viirgesin as, mee déi och kéint do sin fir ganz jonk Majeur'en. Well wa mir soen, 1 ënnert 18 Joer dee muss besonnesch geschützt gin, soubal en 18 Joer huet, da wär op emol d'Welt an der Reih an da kéint een op Schraasseg goen, dat as och nët ëmer wouer.

Wéi konkret sin déi Iwwerleeungen fir dann do nach eng zousätzlech Struktur ze maachen?

FB: Dat as eng Iddi déi ech och an dem Aarbechtsgrupp proposéiert hun, déi ech och mam Claude Meisch als Minister vun der Jugend diskutéiert hun an de mat mir och do eng communauté de vue huet. Mir mengen dass et eng gudd Iddi wier, fir wann een géing eng Struktur zu Lëtzebuerg schaaffen fir 16 bis 21-jähreger. Woubäi déi ënner 18-jähreger d'office dra wieren, an déi iwwer 18-jähreger au cas par cas misse gekuckt gin, op déi prett wieren fir op Schraasseg oder eben nach nët dofir mengen ech, dass d'Ouverture vun der Unisec op där doter Fro eis wärten e ganz grouse Fortschrëtt bréngen. Da wärt kaum nach e Mineur zu Schraasseg sin, **mee idealerweis hätte mir eng nei 3. Struktur déi di dote Fro nach besser géing beäntweren.** Soulaang mir déi nët hun, musse mir allegueren – an ët jidferen der Meenung dass Mineur'en net sollen zu Schraasseg sin, och an dem Aarbechtsgrupp gët ët nët déi eng déi dofir sin an déi aner déi dogéint sin; keen as dofir...

PO: Mee dat

FB: ...dass Mineuren zu Schraasseg sin.

PO: Mee dat heescht dir géift eech engagéiren, wann een eng 3. Struktur hätt, dann géif een och gesetzlech festhalen, Schraasseg as tabou, well dat as dat wat vun der Menscherechtskommissioun aus gefuedert gët, dass dat och mat Dräibuer och géif déklaréiert gin, Schraasseg wier tabou.

Dat as d'Meenung eigentlech vu jiddferengem, nach eng Kéier, an dem Aarbechtsgrupp. `t as keen deen der Meenung as, dass et gudd as wa Mannerjähreger an engem Prison sin mat Erwuessenen, Mat dene Strukturen déi mir hun, a mat denen Fäll déi mir glëcklecherweis rar, awer trotzdem och hun vun **Mannerjähregen déi eng Gefor wierklech nët nemmen fir sech, mee haaptsächlech fir déi Leit rondrem sech duerstellen, muss een och do kënne soen, dass en Wegspären an der Unisec zu Dräibuer problematesch as fir anerer déi do sin, dofir mäi Wonsch wier ët, dass mir eis déi nei 3. Struktur kéinte gin fir 16- bis 21-Jähreger.** Déi hu mir awer nach nët, dat wärt och nach eng Reih Joeren daueren, ët gët och nach keen politeschen Beschluss op deen Wee ze goen. Mee ech hoffen, dass déi Iddi Ënnerstëtzung kritt, well dat wier a méngen An déi richteg Léisung.

Mee eng konkret Ausso, fir lech géif dat heeschen, dass een kéint Schraasseg fir Mannerjähreger

FB: Dee Moment, ouni iergendeen Problem, well mir hätten eng Struktur déi ët géing erlaben, och ganz schwierig Fäll ënnert dene richtege Condiounen ënnerzebréngen. An dann as d'Aspären zu Schraasseg ganz secher vum Dësch.

(...)